

Derogatio  
contractionum

vari in virtute sanctae obedientiae, & sub formali praecepto iungimus.

§. 13. Non obstantibus quibusvis Apostolicis, ac in Provincialibus, & Synodalibus Conciliis editis generalibus, vel Specialibus Constitutionibus, & Ordinationibus praesertim felices recordationis Gregorii XIII., & Sixti V. Romanorum Pontificum Praedecessorum Nostrorum, ac universi Ordinis S. Benedicti, vestraeque Congregationis, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis quantumvis amplis, & amplissimis, ac sub quibusvis verborum formis, & tenoribus, etiam derogatoriarum derogatoriis, aliisque efficacioribus, & insolitis clausulis, ac irritantibus, & aliis decretis in contrarium praemissorum quomodocumque concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & expressa, non autem per clausulas generales, idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores huiusmodi, ac si ad verbum infererentur, praesentibus pro sufficienter expressis habentes, hac vice dumtaxat specialiter, & expresse derogamus, ceterisque contrariis quibuscumque.

Dat. die 5.  
Martii 1593.  
An. II.

Datum Romae apud S. Petrum sub Anulo Piscatoris die 6. Martii 1593. Pontificatus nostri Anno II.

L. V.

Ex Regest. in  
Secret. breo.

Confirmantur quaedam Ordinationes pro Universitate Studii Generalis Perusini.

CLEMENS PAPA VIII.

Ad perpetuam rei memoriam.

Exordium.

INTER multiplices nostri pastoralis officii curas illam libenter amplectimur, per quam literarum studia praesertim in Civitatibus Sedis Apostolicae temporali ditioni subiectis, quas praecipuo quodam affectu complectimur, consentientia recte dirigi, & gubernari valeant, & quae propterea providenda, & ordinata fuerunt, Apostolica firmitatis robore solidamus.

Directores  
Universitatis  
nonnulla pro-  
posuere pro  
regimine il-  
lius.

§. 1. Alias siquidem scilicet de mense Decembris proxime praeterito pro parte dilectorum filiorum Sapientum Universitatis studii generalis Civitatis nostrae Perusinae nobis expositum fuit, quod ipsi sapientes cupiebant, tam super numero Lectorum in dicto studio singulares artes legere debentium, quam super modo, & forma illos conducendi, eorumque lectionibus, & exercitiis ordinariis, aliisque dictae Universitatis necessitatibus subveniendis, ac de aliquo loco, in quo dictae Universitatis Collegii Doctores pro doctorandis Scholaribus, aliisque

Collegii functionibus, & negotiis adimplendis, & pertractandis pro dignitate convenire, & congregari valerent per nos provideri. Unde nobis humiliter supplicari fecerunt, quatenus eorum desiderio huiusmodi annuere, de benignitate Apostolica dignemur.

§. 2. Nos negotium huiusmodi dilectis filiis nostris Dominico Sancti Grifogoni Pinnello, & Benedicto S. Marcelli Titulorum Presbyteris Cardinalibus Iustiniano nuncupatis demandavimus. Unde praedicti Dominicus, & Benedictus Cardinales, auditis pluries dictis Sapientibus, & Doctoribus, ac visis, & consideratis Bannimentis super hoc prudenter a praedicto Dominico Cardinali, dum anno superiori Legationis de latere munere in tota Umbria fungeretur, & in dicta Civitate nostra Perusina resideret factis, & publicatis statuerunt, & ordinaverunt, quod singuli quarumcumque artium indicta Universitate Lectores publice legere incipiant, in prima tertiaria a die sequenti post commemorationem omnium Defunctorum nisi aliquo festo fuerit impedita, quia tunc incipient alio die sequenti, quae tertiaria durare debeat usque ad festum Sancti Luciae. In secunda vero tertiaria a die post festum Epiphaniae Domini, usque ad Dominicam in Passione. In tertia autem post Dominicam in Albis, usque ad festum S. Margharitae. Quibus tertiariis durantibus aliqua vacantie minime concedantur, nec interim Lectoribus liceat aliquas lectiones praetermittere, nisi fuerint impediti causa infirmitatis, quae probari debeat testimonio phisici Notario Universitatis consignando. Durante autem prima tertiaria, tam Juris Civilis, quam Canonum, & Institutionum Lectores ter in hebdomada in schola eorum primi Cathedralis super lectione currenti coram Scholaribus publice circulari debeant, & dum lectiones publicae habentur, quae saltem unius horae spatio durare debeant nullus doctorari, nec aliquis in privatis Domibus lectiones legere possit, conclusiones vero publicae, nisi tempore vacantiarum non sublineantur; Singulis autem diebus lectionum, pulsatur Campana hora solita pro convocandis Scholaribus, & Lectoribus, qui ad lectiones aliquem scholarem, ut vocant Nobilitatem associare non possint: Quodque singulorum scholarium, tam Civium, quam exterorum in dicta Universitate literis operam dare volentium Nomina, ut dignosci, ac eorum qualitates aliquando examinari possint, describantur: quodque etiam post hac in perpetuum nullus Lectorum nunc, & pro tempore in dicta Universitate in aliqua facultate legentium aliqua ratione se ab onere legendi, etiam si per triginta Annos, & quantumvis longissimi temporis spatium id munus exercuerit, etiam cuiusvis privilegii, vel Immunitatis praetextu exemptum esse praetendere possit: sed quicumque legendi immunitate de praesenti non gaudent, ac provisiones, & emolumenta ab eadem Universitate acceperint, munus suum realiter exequi, & cum effectu adimplere teneantur, nec

Clemens rem  
nonnullis Car-  
dinalibus exa-  
minandam  
commisit.

Qui terminos  
Tertiariae  
praesertim.

Nonnullaque  
alia statu-  
erunt, quae hic  
recensentur.

Praedicta omnia  
confirmat  
Clemens.

Atque obser-  
vari mandat.

Executores  
deputat.

nec ratione cuiusvis juris, Statuti, vel consuetudinis, nisi actualiter legerint, aliquod salarium, vel emolumentum consequi valeant, exemptionesque, privilegia, indulta, & Immunitates quaecumque super his quomodolibet conceden. nulla omnino, & irritae existant: illorum vero, qui ad praesens dictam exemptionem habent, salaria eorum, & cuiuslibet ipsorum, obitu adveniente in fabricam olim per praefatum Dominicum Cardinalem designatam ad Collegii, seu Universitatis praedictae commodum pro congregandis Doctoribus, ac doctorandis Scholaribus, & publicis conclusionibus substatendis, aliisque actibus, & functionibus publicis faciendis omnino converti, & erogari debeant. Et insuper, quod de cetero deputentur, & conduci debeant duo alii Magistri Grammatices, cum annuo salario centum scutorum monetae pro quolibet ipsorum, & augmento concessio a fel. rec. Sixto PP. V. Praedecessore nostro integre persolvendo, in quorum, ac aliorum dictae Universitatis Lectorum deputatione, electione, & salario constitutione, ratio habeatur uniuscuiusque scientiae, & sufficientiae nulla habita consideratione Nobilitatis, seu antiquitatis, in quam curam ipsi sapientes omnino studeant, atque incumbant.

§. 3. Quare nos volentes, ut praemissa omnia firmiter observentur quo fuerint Apostolico munimine roborata omnia, & singula ordinationes, & Statuta praedicta Apostolica auctoritate tenore praesentium ex certa nostra scientia perpetuo approbamus, & confirmamus, illisque perpetuae, & inviolabilis firmitatis robur adicimus, omnemque, & singulos Juris, & facti, aliosque defectus, si qui intervenerunt in eisdem, supplemus, eaque omnia, & singula perpetuo valida, & efficacia existere, ac tam per Lectores, & Scholares nunc, & pro tempore existentes, quam alios quoscumque inviolabiliter perpetuo observari: Sicque, & non aliter per praedictam Civitatem, etiam de latere Legatum, Vicelegatum, & Governatorem, ac alios quoscumque Iudices quavis auctoritate fungentes, etiam S. R. E. Cardinales, & causarum Palatii Apostolici Auditores sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, nec non quid quid secus super his a quoquam quavis auctoritate scienter, vel ignoranter contigerit attentari, irritum, & inane decernimus.

§. 4. Mandantes propterea eiusdem Civitatis Legato, Vicelegato, seu Governatori nunc, & pro tempore existentibus, quatenus omnia, & singula ordinationes, & statuta praedicta ab illis, ad quos spectat, & spectabit in futurum, omnibus juris, & facti remediis, auctoritate nostra, perpetuo observari faciant. Contradictores quoslibet, & rebelles, ac Statuta, & ordinationes huiusmodi non observantes, seu contra facientes, etiam per sententias, & censuras Ecclesiasticas, ac etiam pecuniarias, & alias poenas, aliaque opportuna juris, & facti remedia.

Bull. Rom. Tom. V. Par. I.

dia quacumque appellatione, seu reclamatione cessantibus, ac omnino postpositis, eadem auctoritate nostra compescendo, invocato etiam ad hoc, si opus fuerit, auxilio brachi secularis.

§. 5. Non obstantibus, quatenus opus sit, literis dicti Sixti Praedecessoris super applicatione, seu augmento reddituum Lectoribus dictae Universitatis assignatorum, ac quibusvis, ac in Provincialibus, & Synodalibus Conciliis editis specialibus, vel generalibus Constitutionibus, & ordinationibus, ac Civitatis, & Universitatis praedictarum, etiam juramento confirmatarum, Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis Civitati, & Universitati praedictis, ac illorum Doctoribus, Lectoribus, & Scholaribus, ceterisque personis sub quibuscumque tenoribus, & formis, ac cum quibusvis clausulis, & Decretis in genere, vel in specie, ac alias quomodolibet contra praemissa concessis, confirmatis, & innovatis, ac disponentibus. Quibus omnibus, & singulis eorum omnium tenores, ac si de verbo ad verbum exprimerentur, & infererentur, praesentibus pro sufficienter expressis, & insertis habentes, illis alias in suo robore permanentibus, hac vice dumtaxat harum serie specialiter, & expresse derogamus, ceterisque contrariis quibuscumque.

Datum Romae apud S. Petrum sub Anulo Piscatoris die 17. Martii 1593. Pontificatus nostri Anno Secundo.

L. VI.

De electione Praepositi Generalis, aliorumque Praelatorum Congregationis Monachorum Eremitarum S. Hieronymi de Observantia: de Capitulum generalium, & Diatarum celebratione, totiusque Ordinis regimine.

CLEMENS PAPA VIII.

Ad perpetuam rei memoriam.

Quae ad prosperam religiosorum directionem, ac reformationem pertinent, ea libenter concedimus, prout in Domino salubriter conspiciamus expedire.

§. 2. Sane cum post futura festa paschalia, Capitulum generale Congregationis Monachorum Eremitarum S. Hieronymi in Monasterio S. Petri de Hospitaletto Laudens. Diocesis celebrandum sit, Nos qui Congregationem ipsam ad pristinam regularis observantiae normam reduci, ac reformari maxime cupimus, nonnulla, quae in eodem Capitulo publicari, & deinceps perpetuo in eadem Congregatione observari volumus, statuemus, & censuimus.

§. 2. Motu igitur proprio, & ex certa scientia, maturaque deliberatione nostris, & de Apostolica Sedis plenitudine, cum acceperimus ex diversarum Apostolicarum

Obstantibus  
derogat.

Exordium.

Causa eden-  
de huiusce-  
Cstitutionis.

Approbat.  
ultimi Capi-  
tuli Genera-  
lis.

Constitutionum diversis temporibus, a Romanis Pontificibus Prædecessoribus nostris, pro eadem Congregatione factarum, forsitan invicem contrarietate, in Capitulo generali Mantuæ ultimo celebrato, ac in Dieta generali de mense Octobris proxime præterito habita, omnia in illis gesta juxta prædictar. Constitutionum præscriptum ad unguem fieri non potuisse, immo forsitan aliquibus earundem Constitutionum aliqua ex parte contraventionem extitisse, & ideo de illorum validitate ab aliquibus hæsitari potuisse, & posse; Nos omnia, & singula, tam in prædicto Capitulo, quam in Dieta generali hujusmodi facta, gesta, statuta, & ordinata, quatenus tamen Sacris Canonibus, & Concilii Tridentini decretis, ac regulis ejusdem Congregationis institutis sint conformia, etiam si in illis Constitutionum prædictarum omnium, & singularum forma ad unguem minime servata, aut contra aliquarum ex illis dispositionem, forsitan facta fuerunt, auctoritate Apostolica tenore præsentium validamus, confirmamus, & approbamus, omnesque, & singulos præmissos, & alios quoscumque juris, & facti defectus, si qui in eisdem intervenerint, supplementus, ac valida, firma, & efficacia fore, suosque plenarios effectus sortiri, & obtinere decernimus.

Jussu confirmandi Georgium Lucianum Cremonensem Præpositum generalem in prædicta Dieta generali, in Virgilio de Mantua olim ejusdem Congregationis Præpositi generalis prædefuncti locum canonicè electum, ad triennium proximum a die celebrationis proximi futuri Capituli generalis numerandum confirmavimus, prout in illis literis plenius continetur; Dilectis filiis Definitoribus, Consultoribus, Prioribus, & aliis in dicto Capitulo Præsentibus, ac vocem habentibus, in virtute sanctæ obediencie, & sub indignationis nostre poena præcipimus, & mandamus, ne circa electionem novi Præpositi generalis quicquam intentare, aut quoquo modo innovare præsumant, sed juxta prædictarum nostrarum literarum seriem, eundem Georgium ad hujusmodi triennium in generalem confirmant, & recognoscant, eidemque Prioratum aliquem ejusdem Congregationis, juxta illius regulam instituta, per eum dicto triennio durante, tenendum, regendum, & gubernandum, qui etiam totius Ordinis caput durante officio Generalatus existat, assignent, & concedant; irritamque nihilominus, & inane quamcumque electionem, seu aliam dispositionem, secus faciendam, fore, nullisque viribus suffultam decernimus.

Gregor. XIII. in eius Constit. CLXVI. Et quæ. T. IV. Pa. IV. l. 6. nonnulla ad preces Congregat. statuit, quæ ejus Constitutionibus adversantur.

§. 2. Insuper, quia per alias nostras in simili forma Brevis literas, dilectum filium Georgium Lucianum Cremonensem ejusdem Congregationis Præpositum generalem in prædicta Dieta generali, in Virgilio de Mantua olim ejusdem Congregationis Præpositi generalis prædefuncti locum canonicè electum, ad triennium proximum a die celebrationis proximi futuri Capituli generalis numerandum confirmavimus, prout in illis literis plenius continetur; Dilectis filiis Definitoribus, Consultoribus, Prioribus, & aliis in dicto Capitulo Præsentibus, ac vocem habentibus, in virtute sanctæ obediencie, & sub indignationis nostre poena præcipimus, & mandamus, ne circa electionem novi Præpositi generalis quicquam intentare, aut quoquo modo innovare præsumant, sed juxta prædictarum nostrarum literarum seriem, eundem Georgium ad hujusmodi triennium in generalem confirmant, & recognoscant, eidemque Prioratum aliquem ejusdem Congregationis, juxta illius regulam instituta, per eum dicto triennio durante, tenendum, regendum, & gubernandum, qui etiam totius Ordinis caput durante officio Generalatus existat, assignent, & concedant; irritamque nihilominus, & inane quamcumque electionem, seu aliam dispositionem, secus faciendam, fore, nullisque viribus suffultam decernimus.

§. 3. Præterea, quia ut accepimus, in literis, seu Constitutione fel. rec. Gregorii Papæ XIII. Prædecessoris nostri, quæ incipit. Pro nostri muneris officio, super statu dictæ Congregationis sub dat. die 26. Maii 1574. Pontificatus sui anno quarto expedita, inter alia disponitur, quod deinceps dictæ Congregationis Præpositus generalis, Visitator,

res, Consultores, & Definidores, ex numero Priorum ab ipsismet Prioribus tantum eligerentur; Et quod occurrente vacatione alicujus Prioratus, ad illum non esset assumendus, nisi qui tempore vacationis, & electionis alicujus Monasterii Vicarius esset. Quodque Visitatores Monasteriorum Sancti Alexii de Urbe, & Sancti Pauli Albanensis, in Generali Capitulo, & Definitoribus eligendis vocem non habeant. Et quod Procuratores, qui ab unoquoque Monasterio ad Capitulum designantur, voce activa, & passiva in eodem Capitulo generali carerent, prout latius in eisdem literis, vel Constitutione continetur, quæ omnia regularibus ejusdem Ordinis institutis adversantur, atque in benemeritorum, idoneorumque religiosorum præjudicium tendunt.

§. 4. Nos prædicta, & alia cuicumque Constitutioni Apostolica de simili materia disponenti, quarum tenores præsentibus pro expressis haberi volumus, in hac parte specialiter, & expresse derogantes, harum serie perpetuo statuimus, & ordinamus, quod post hac, tam Generalis Præpositus, quam Consultores, & Definidores, tam ex Priorum, quam subditorum,

Hic ideo Pontifex decrevit Præpositum, Consultores, & Definidores, eligi tam ex Prioribus, quam ex aliis subditis.

§. 5. Ipsique Priores etiam ex eorumdem subditorum non Vicariorum tantum,

Prioresque etiam ex non Vicariis. Procuratoris generalem ex omnibus subditis.

§. 6. Procurator vero generalis similiter ejusdem Congregationis, tam ex subditorum, quam priorum numero, sine tamen earum residentiarum præjudicio, & dummodo alias idonei, & sufficientes existant, eligi, & deputari possint, & debeant.

§. 7. In generalibus vero, & aliis intermediis Capitulis, seu dietis, omnes, qui juxta eorumdem regularium institutorum dispositionem, locum, & vocem habere possunt, & debent, sicut antequam Constitutio Gregorii prædicta emanasset, poterant, ac debebant, locum, ac vocem hujusmodi, ad quæ omnes, & singulos adversus prædictam Constitutionem in pristinum restituumus, reponimus, & reintegramus, libere, & absque aliquo impedimento habeant, & habere possint, ac debeant.

Vocem quicquid habeat in Capitulis generalibus, & Dietis, prout habebat ante Bullam Gregorii XIII.

§. 8. Ex præmissis tamen eidem, aut aliis Constitutionibus Apostolicis circa ea, quæ disponunt, ut generalis Præpositus, & Priores, alique officiales triennales esse debeant, minime derogatum, aut alias præjudicium illatum esse, aut censeri, sed illorum respective officia hujusmodi ad triennium durare debere, ultra quod in illis minime confirmari, sed Priores de uno ad aliud Monasterium transferri tantum posse declaramus, & decernimus.

Præpositi generalis, & Priorum officia triennio durent, & non confirmentur.

§. 9. Insuper omnes, & singulos prædictæ Congregationis Religiosos, qui pro obtinendis in ipsa Congregatione dignitatibus, muneribus, vel officiis, literas commendatitias, favores, gratias, preces a quibuscumque personis tam Ecclesiasticis quam secularibus cuicumque status, gradus, conditionis, præminentie, etiam Cardinalatus dignitate, & quacumque seculari, etiam Marchionali, Ducali, Regali, vel

Ambitus præhibetur.

Imperiali potestate, & præminentia fungentibus, ac fulgentibus, requirere, & mendicare, aut alias ab ipsis etiam non requisitis, sed sponte omnino delatis, quoquo modo uti ausi fuerint, omnibus, & quibuscumque dignitatibus, officiis, muneribus, & aliis oneribus, & honoribus ipsius religionis per eos obtentis, necnon voce activa, & passiva perpetuo privati, ac ad illa, & alia quacumque deinceps obtinenda perpetuo inhabiles, & incapaces, etiam absque alia declaratione, sed tantummodo ex ipsa literarum, favorum, gratiarum, & precum etiam oretenus porrectarum hujusmodi probatione, existant eo ipso.

Contraria Constitutionibus derogatur, & non contrariis approbationis robur adjicitur.

§. 10. Ceterum Constitutiones omnes quorumcumque Romanorum Pontificum Prædecessorum nostrarum pro felici gubernio, & directione dictæ Congregationis hactenus emanatas, quorum omnium, & singulorum tenores, & datas præsentibus pro expressis haberi volumus, in his tamen, quæ præsentibus nostris non adversantur, perpetuo confirmamus, & approbamus, illisque perpetuæ, & inviolabilis firmitatis robur adjicimus, omnesque, & singulos tam juris, quam facti defectus, si qui intervenerint in eisdem, supplementus, in illis autem in quibus præsentibus nostris aliquo modo adversari prætendatur, illis specialiter, & expresse derogamus, ac derogatum esse volumus.

Clausula præservativa adjunguntur.

§. 11. Decernentes presentes literas nullo umquam tempore de subreptionis, aut obreptionis vitio, seu intentionis nostre, vel alio quocumque defectu notari, impugnari, aut quovis prætextu, vel occasione infringi, revocari, retractari, suspendi, limitari, aut in jus, vel controversiam revocari, neque sub quibuscumque suspensionibus, revocationibus, limitationibus, moderationibus, aut contrariis dispositionibus pro tempore faciendis comprehendendi, sed semper ab illis exceptas, & quoties illæ emanabunt, toties illæ in pristinum, & validissimum statum restitutas, repositas, & plenarie reintegratas esse, & censeri.

Clausulaque sublatæ &c.

§. 12. Sicque & non alias per quoscumque Judices Ordinarios, & Delegatos, quavis auctoritate fungentes, etiam dicti Ordinis Protectores, & alios Sanctæ Romanæ Ecclesiæ Cardinales, etiam de latere Legatos, sublata eis & eorum cuilibet, quavis aliter judicandi, & interpretandi facultate, & auctoritate, judicari, & definiti debere, ac irritum, & inane, quicquid secus super his a quocumque quavis auctoritate scienter, vel ignoranter contigerit attentari.

Præpositus, Visitatores, & alii exequutores existant.

§. 13. Mandantes propterea in virtute sanctæ obediencie moderno, ac pro tempore existenti Præposito generali, ac Visitatoribus, Definitoribus, Prioribus, & Monachis, universis, & singulis ejusdem Congregationis, quatenus omnia, & singula in præsentibus nostris, ac in aliis Apostolicis literis, & Constitutionibus contenta, quæ per presentes revocata non sint, observent, & ab aliis, ad quos spectat observari curent, eaque inter ejusdem Congregationis regulas, & Constitutiones regulares describi, & adnotari, ac exemplari, regulasque, & Constitutiones ipsas regulares ad præsentis nostre, aliarumque Apostolicarum Constitutionum præscriptum aptari faciant.

las, & Constitutiones regulares describi, & adnotari, ac exemplari, regulasque, & Constitutiones ipsas regulares ad præsentis nostre, aliarumque Apostolicarum Constitutionum præscriptum aptari faciant.

Contraria submoventur.

§. 14. Non obstantibus quibusvis Apostolicis, ac in Provincialibus, Synodalibus, & universalibus Conciliis editis, generalibus, vel specialibus Constitutionibus, & Ordinationibus, ac ejusdem Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis ipsi Congregationi, ejusque Superioribus, & quibusvis aliis personis sub quibuscumque verborum formis, & tenoribus, ac derogationum derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam Motu, scientia, & potestatis plenitudine similibus, & consistorialiter, ac alias quomodolibet in contrarium præmissorum concessis, confirmatis, & approbatis, quibus omnibus, & singulis etiam pro illorum sufficienti derogatione, de illis eorumque totis tenoribus, specialis, specifica, expressa, ac de verbo ad verbum inserta, mentio, seu alia expressio habenda esset, tenores hujusmodi præsentibus pro sufficienter expressis, & ad verbum insertis habentes, hac vice dumtaxat specialiter, & expresse, ac latissime derogamus, & derogatum esse volumus, ceterisque contrariis quibuscumque.

Datum Romæ apud S. Petrum sub Anulo Piscatoris die 14. Aprilis 1592. Pontificatus nostri Anno II.

D. P. An. II. 14. Aprilis.

Sequitur Reformatio circa totius Ordinis Bonum Regimen.

Sanctissimus Dominus Noster Dominus Clemens Papa Octavus &c. Nullus omnino prætextu cuicumque privilegii, vel Superioritatis etiam Generalatus, a servitio Chori censetur immunis, nisi pro tempore, quo quis in proprii officii munere actu fuerit occupatus. Cum Lectoribus autem, & Prædicatoribus, Superiores iis tantum diebus, quibus eos legere, aut prædicare contigerit, dispensare possint. Idem quoque præstare valeant cum ægrotis, & studiorum causa legitime impeditis: In eos qui negligentes, aut inobedientes fuerint, salutaris poenitentia Superiores animadvertant ad præscriptum Constitutionum, etiam alimenti, si opus fuerit subtractione.

De Choriservitio.

Sacra Scripturæ lectione.

§. 1. Lectio sacra Scripturæ, vel casuum conscientie bis in hebdomada præscriptis diebus in singulis Monasteriis habeatur, ad quam Monachi omnes conveniant, eaque absoluta mutua collatione circa explicatam doctrinam sese utiliter exercent.

Paupertatis voto.

§. 2. Quo Trident. Concil. decreta de paupertatis voto custodiendo fidelius observent, præcipit, ut nullus ex Monachis, et si Superior sit, bona immobilia, vel mobilia,

1593.

lia, aut pecuniam, proventus, census, elemosynas, sive ex concionibus, sive ex lectionibus, aut pro Missis tam in propria Ecclesia, quam ubicumque celebrandis, aliove ipsorum iusto labore, & causa, & quocumque denique nomine quaesita, etsi subsidia consanguineorum, aut piorum largitiones, legata, aut donatione fuerint, tamquam propria, aut etiam nomine Monasterii possidere possint, sed ea omnia statim Superiori tradantur, & Monasterio incorporentur, atque cum ceteris illius bonis, redditibus, pecuniis, ac proventibus confundantur, quo communis inde victus, & vestitus omnibus suppeditari possit. Neque superioribus, quicumque illi sint, ullo pacto liceat eisdem Regularibus, aut eorum alicui bona stabilia etiam ad usumfructum, vel usum, administrationem, vel commendam, etiam depositi, aut custodiae nomine concedere, eorum vero, quae ad necessitatem concessa erunt, nullus quicquam possideat ut proprium, neque ut proprio utatur. Nulla quorumcumque Superiorum dispensatio, nulla licentia, quantum ad bona immobilia, vel mobilia, Monachos excusare possint, quominus culpa, & poena ab eisdem Concilii decretis imponatur, & ipso facto incurrendae obnoxii sint, etiam si Superiores asseverent huiusmodi dispensationes, aut licentias concedere posse, quibus in ea re fidem minime adhiberi volumus.

Vestitu, & supellestili.

§. 3. Monachorum vestitus, & supellestiarum, ex communi pecunia comparetur, & omnino uniformis sit omnium Monachorum, & quorumcumque Superiorum, statuique paupertatis, quam professi sunt, conveniat, ita ut nihil superflui admittatur, nihil etiam, quod sit necessarium, alicui denegeretur. Quaecumque Monachorum vestes, sive lanæ, omnique alia supellex, tam pro vestitu, quam pro accubitu necessaria in aliquem commodum Monasterii locum deferantur, ibique ab uno, vel duobus Monachis huic muneri deputatis diligenter custodiantur, ut inde Superioris arbitrio, prout unicuique opus fuerit, ministrari opportune possint.

Cibus.

§. 4. Omnes etiam Superiores, quicumque illi sint, eodem pane, eodem vino, eodemque obsonio, sive eadem, ut ajunt, pittance in communi mensa prima, vel secunda, nisi infirmitatis causa impediti fuerint, vescantur, neque singulare aliquid, quo privatim, quisque in cibum utatur, ullo modo afferri possit. Si quis in ea re peccaverit, nihil ea die alimenti percipiat, nisi panem, & aquam.

Peculiaribus praestationibus ratione officiorum.

§. 5. Superiores omnes, etiam Generales, qui redditus, aut praestationes peculiares ratione officiorum habent, earum accepta, & expressa in libro distincto fideliter, ac diligenter adnotari curent, neque in alios usus, quam ratione officii necessarios, quicquam expendant: quando vero contigerit ipsos in aliquo Monasterio immorari, eam quantitatem pecuniae in commune conferant, ex qua sibi, & iis, qui secum erunt, victus ad praescriptum regulae suppeditetur.

§. 6. Nullus ex Superioribus locorum, administrationem bonorum, & aliarum rerum, dispensationemque pecuniarum, & reddituum sui Monasterii, etiam nomine Monasterii, per se ipsum habere, sive exercere possit, sed universum id onus tribus Religiosis ejusdem Monasterii à Generali, ita demandetur, ut unus rerum, & bonorum, reddituumque colligendorum, & exigendorum curam habeat, alter tamquam Depositarius pecunias, ac cetera ab illo collecta, & exacta fideliter afferret, alius de pecuniis, & rebus à Depositario acceptis, Priori, & Monachis, ac Monasterio universo de necessariis, mandante tamen ipso Priore, non secundum proprium affectum, sed juxta charitatis regulam, veluti bonus dispensator provideat, Officiorum huiusmodi confusione penitus interdicta. Ceterum hi tres, tam impensi, quam accepti singulis mensibus sub Priori, adhibitis etiam duobus, vel tribus Monachis ejusdem probationis, rerumque usu peritis, deinde ipsemet rursus praesentibus Priori, & Peritis praedictis Generali, vel Visitatoribus, cum advenerint, denique ipse Generalis, ac Visitatores in quolibet proximo Capitulo Generali saltem coram tribus Iudicibus ab ipso Capitulo ad hoc constitutis illorum omnium, & etiam universae administrationis suae, tam publicae, quam privatae rationem reddere teneantur, cujus etiam exemplum authenticum ex actis Capituli describatur, ad hoc, ut ad omnem mandatum nostrum, vel Sedis Apostolicae Romae transmitti possit.

§. 7. Ut Monasterii bona, & proventus expensis respondeant, in unoquoque Monasterio is tantum deinceps constituitur, & in posterum retineatur Regularium numerus, qui ex redditibus illius propriis, vel ex communibus consuetis, vel etiam singulorum elemosynis, aliisque quibuscumque obventionibus in commune, ut praefertur, conferendis, commode possit sustentari.

§. 8. Redditi vero, & supradicta omnia, communi in loco, ac tuto diligenter afferventur.

§. 9. Superioribus autem, ne Concilium Tridentinum, aut haec nostra decreta declarare, interpretari, aut relaxare ullo modo possint, omnino interdiximus, & prohibemus, decernentes irritum &c. Si quis autem contra praesumpserit attentare, is eo ipso omni gradu, officioque privatus, ad ea inhabilis perpetuo existat.

§. 10. Nullus, nisi actu, vel legat, vel praedictet, aliquo sui gradus privilegio gaudeat.

§. 11. Si alicui ex necessaria causa Generalis iudicio probanda, socius ex eodem Ordine, qui illi ministret, concedendus erit, is nisi vigesimum quintum agat annum, & qui communi servitio sit deputatus, non concedatur, & si commode fieri potest, sit laicus conversus.

§. 12. Ut omnis scandalorum, & vagationum occasio tollatur, Monasterii clausura perpetuo, ac diligenter servetur, ac propterea à Superiore Janitor constituitur, qui

1593.

Administratio- ne bonorum cujuscumque Monasterii.

Regularium numero in quolibet Monasterio.

Redditiuum asseratione.

Prohibitione secus declarandi.

Lectorum, & Predicatorum privilegii.

Socii concedendi qualitate.

Clausurae observantia.

1593.

1593.

qui diligentia, ac morum integritate maxime commendetur. Is janua custodienda semper assistat, eamque nemini Monachorum aperiat, nisi socium, & exeundi licentiam obtinuerit. Nullus Monasterio egredi audeat, nisi ex causa, & cum socio, impetrataque licentia singulis vicibus, ac benedictione à Superiore accepta, qui non aliter eam concedat, nisi causa probata, sociumque exituro adjungat non petentis rogatu, sed arbitrio suo, neque eundem sepius. Licentiae vero generales exeundi nulli omnino concedantur. Contravenientes autem poena gravi, etiam Carceris ad Superioris arbitrium pleantur. Eandem etiam Janitor subeat, si sciens exeundi facultatem fecerit. Cum autem quis in Monasterium revertetur, Superiorem iterum adhibet benedictionem recepturus, qui à socio itineris rationem, & quid rei actum sit, diligenter perquirat.

Accessus ad Urbem prohibitione.

§. 13. Nullos Monachos Romam venire Superiores permittant, nisi prius à Generale, vel Protectore dumtaxat licentiam in scriptis impetraverint. Siquis autem sine huiusmodi facultate Romam venire praesumpserit, voce activa, & passiva biennio privatus existat, subiturus etiam alias arbitratu Superiorum infligendas poenas, quae item omnia adversus eos, qui supradictos admisserint, & receperint, sine ulla exceptione locum habeant.

Cellarum, & Dormitorii qualitate.

§. 14. Habeat Superior clavem, ita fabricatam, ut cum sibi videbitur, Cellas omnes reserrare possit, & propterea nullus cellam etiam nocte ita claudat, quin semper à Superiore possit aperiri. In medio Dormitorio tota nocte lampas colluceat. Nullus etiam Superior Cellas, sive in claustris, sive alibi, separatas à communi Dormitorio habeat, sed unusquisque vnica cella, eademque cum ceteris aliorum Monachorum conjuncta, nudis omnino parietibus, ac lectulo, & mensa humilibus, uniformique supellectili, ut praefertur, quemadmodum Religiosos decet, contentus sit. Possit tamen Generalis, vel Visitatores alicui ex Superioribus Monasteriorum, si eorum muneris, & officii necessitatem id exigere cognoverint, alteram etiam cellam concedere. Cella, sive adicula, quae extra Dormitorium separata sunt, ad officinas, aut alias ad communem usum, & commoditatem Monasterii redigantur. Sigillatim suo quique lecto cubet, neque ullibi duo eodem lecto dormire possint, qui omnes ad certam formam redigendi erunt: in privatis cellis nulli camini permittantur, sed omnes obstruantur statim cardinibus, etiam à parietibus convulsis, ut res illa non ad tempus facta, sed perpetuo duratura videatur: Cellis tamen Generalis, aut alterius Superioris, ac Predicatoris exceptis.

Monasteriorum fenestris.

§. 15. Monasterii fenestrae omnes, quae in vias publicas, aut in vicinas laicorum aedes prospiciunt, muro ita obferantur, ut omnino prospectus impediatur.

Infirmaria infirmorumque cura.

§. 16. Valetudinarium praeterea in singulis Monasteriis, certo, ac salubriori loco

constituatur, quod pro loci situ, & Monachorum numero, quoad fieri poterit, commodissimum esse possit, in quo Monachi omnes, cum aegrotabunt, curentur, neque inde nisi recuperata sanitate abire permittantur. Qui vero infirmorum cura praepositi erunt omni sedulitate, ac charitate operam suam praestabunt, ac curabunt, ne quid aegrotis omnino desit, quod ad sanitatem recuperandam omnino pertineat.

§. 17. Incutatur ratio, qua sublatis licentiis, & facultatibus haecenus quibuscumque concessis, degentes extra Monasterii claustra, ad ea quam primum revocentur, nec in posterum, nisi ex gravissima causa à Sede Apostolica probanda, huiusmodi facultates concedi possint.

§. 18. Nulli de cetero ad habitum, aut professionem admittantur, nisi in Monasteriis in qualibet Provincia per Sedem Apostolicam deputandis.

§. 19. Curent Superiores, ut constitutio interdicens largitiones munerum, & praescribens hospitalitatis formam ab omnibus in quolibet Monasterio inviolabiliter observetur.

§. 20. Ut omnis officiorum ambitus occasio praecidatur, caveant omnes à directa, vel indirecta vocum, seu suffragiorum procuratore, tam pro se ipsis, quam pro aliis, tum in capitulis locorum, tum in ceteris, praesertim generalibus capitulis, aut congregationibus, & alibi. Quicumque secus fecerint, praeter alias poenas, & censuras, haecenus contra huiusmodi ambientes inflictas quas in suo robore permanere volumus, in poenam privationis officiorum, quae obtinent, eo ipso incidant, & ad futura quaecumque pariter inhabiles habeantur, super quo cum eis dispensari à nemine possit, nisi à nobis, vel successoribus nostris, & pro qualitate culparum gravius etiam pleantur. Porro supradictas omnes poenas, etiam ad complices, ac simpliciter scientes, & non revelantes extendimus.

§. 21. In Superiorum, & Officialium omnium electionibus forma praescripta à sacro Concilio Tridentino, & Constitutionibus Ordinis inviolabiliter servetur: iurentque electores secundum veritatem cujusque conscientiae, probiores, ac magis idoneos se electuros; ac propterea priusquam ad electionem deveniatur, in primis, & ante omnia perlegantur Constitutiones de qualitate, & requisitis eligendorum.

§. 22. Ad officia, gradus, & praelaturas, illi eligantur qui possint, & consueverint regulas Ordinis, & Constitutiones observare, praesertim, quae pertinent ad servitium Chori, ac vestitum, & victum communem.

§. 23. Eligantur in Capitulo Generali, seu Provinciali aliquot graves, & periti ex Monachis, cujuslibet provinciae, saltem tres, qui admittendos ad praedicationem verbi Dei, vel ad audiendas confessiones, etiam ipsorum Monachorum, ac Lectores publicos, diligenter simul examinent, priusquam probentur, & ad huiusmodi ministeria admittantur. Horum etiam cura sit examinare, & pro-

Licentiarum extra Claustra degendi prohibitione.

Monasteriis deputandis recipiendum venientes à Religione.

Largitionis munerum prohibitione servanda.

Ambitus prohibitione.

Electionis officialium forma. Concilium Tridentinum. Sessio 25. cap. 6.

Eligendorum qualitatibus.

Monachorum praedicationem, ad examinandos Lectores, Praedictatores, & promovendos ad Ordines.

& probare, tam quoad doctrinam, quam quoad mores promovendos ad quoscumque ordines, in quo servetur decretum Congregationis interpretum sacri Concilii Tridentini ea de causa nuper editum, & promulgatum.

§. 24. Illud porro Superiores omnes in Domino admonemus, ut memores sint rationis, quam in novissimo die reddituri sunt pro grege sibi commisso, ac propterea omni studio invigilent, ut quae in eorum Ordinis Constitutionibus, de oratione mentali, silentio, Jejunii, capitulo culparum, aliisque spiritualibus exercitiis, prudenter, ac pie sancita sunt, ea omnia, & singula ad unguem observentur, intelligantque, super his veluti fundamentis omnium Congregationum edificia construenda, & amplianda esse, quae ut faciliorem exitum fortiantur, & uberiores fructus in animis Monachorum producant, valde opportunum erit, si in quolibet Monasterio singulis hebdomadis habeatur sermo de religiosa disciplina, & regulari observantia.

§. 25. Ut autem omnia ordinate peragantur, appendatur in loco conspicuo uniuscujusque Monasterii Tabella, in qua distincte adnotetur, quid singulis cujusque diei horis singuli Monachi praestare debeant, ut certo, etiam signo praemoniti, majore animi preparatione opportune suis muneribus satisfacere queant.

§. 26. Quae Ordinis Constitutiones his decretis non adversantur inviolate custodiendae erunt.

§. 27. Quibus horum decretorum capitibus certa poena praescripta non est, arbitrio Generalis, vel alterius immediate Superioris infligatur. Ut autem decreta haec donec alia, quae ad pleniorum supradicti Ordinis reformationem facient, edantur, ab omnibus observari possint, districte praecipimus, & mandamus Generali, ac omnibus aliis quibuscumque Superioribus, ad quos hoc spectat, ut curent, ac efficiant in generali Capitulo, primo quoque tempore celebrando, ea omnia publicari, & recipi, ac inter alias Ordinis Constitutiones perpetuo valituras redigi, interdicta eorum omnino singulis facultate illas declarandi, aut adversus eas unquam dispensandi. Alioquin sciant se in poenam Generalatus, & officiorum privationis, & inhabilitatis perpetuae ad alia ipso facto, & sine ulla exceptione respective incidisse.

Datum Romae apud S. Petrum, die vigesima quarta mensis Aprilis, millesimo quingentesimo nonagesimo sexto.

Tabella reformatione, super his quae Monachi singulis diebus praestare debent.

Decretis Ordinibus, his non contrariis custodiendis. Contravenientium poena.

Dat. P. An. V. 14 Aprilis.

L VII.

Confirmatio gratiarum à Pont. Praedecessoribus concessarum Congregationi Clericorum regularium S. Majoli, alias de Somascha, cum aliorum privilegiorum concessione.

CLEMENS EPISCOPUS SERVUS SERVORUM DEI

Ad perpetuam rei memoriam.

Decet ex benignitatis Sedis Apostolicae studio provenire, ut ea, quae pro divini cultus augmento, religionis propagatione, & animarum salute, provida ratione concessa sunt, suae protectionis munimine conserventur. Unde nos ad ejusdem apicem divina disponente clementia assumpti, his quae propterea facta comperimus, nostrae approbationis robur, cum à nobis petitur, libenter adjicimus, ut eo firmius subsistant, quo Sedis ejusdem protectione sapius fuerint circumfusa.

§. 1. Sane pro parte dilectorum filiorum Praepositi, & Presbyterorum Congregationis Clericorum Regularium de Somascha, alias S. Majoli Papiae, nuncupat. exhibita nobis nuper petitio continebat. Quod cum jam ab Anno Domini millesimo quingentesimo vigesimo octavo, ad gloriam Omnipotentis Dei &c. Cum autem sicut eadem expositio subjungebat, ipsi Praepositi, & Presbyteri cupiant, praemissa omnia per nos confirmari, & approbari, nobis humiliter supplicari fecerunt, quatenus eorum desiderio annuere, aliasque in praemissis opportune providere de benignitate Apostolica dignaremur.

§. 2. Nos attendentes ad diligentem, & fructuosam culturam ipsius vineae Domini, quam praefati presbyteri, & Clerici Regulares studio indefesso, multis piis, ac laudabilibus exercitiis in dies faciunt, ac volentes propterea illos, & dictam Congregationem amplioribus favoribus, & gratiis prosequi, Praepositum, & singulares personas Congregationis hujusmodi, à quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, à jure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, omnia, & singula praefata, & quaecumque alia privilegia, exemptiones, immunitates, concessionem, facultates, praerogativas, indulgentias, favores, & gratias, praefata Congregationi, singulisque illius Domibus, Conventibus, Collegiis, Ecclesiis, Cappellis, Oratoriis, Hospitalibus, & locis, nec non Praeposito Generali, aliisque Superioribus, & personis, tam professis, quam non professis, ac familiaribus, domesticis, eisque alias quomodolibet inservientibus, tam per supradictos, quam alios Romanos Pontifices Praedecessores nostros, ac nos, & Sedem Apostolicam, ejusque auctoritate quomodolibet concessa, ac desuper confectas literas, omniaque

Exordium.

Congregatio petit confirmationem suarum Constitutionum.

Hic modo Pontifex eas, omniaque Congregationis privilegia confirmat.

niaque in eis contenta, nec non etiam omnia, & singula statuta, ordinationes, regulas, & Constitutiones in universa Congregatione praefata, hucusque editas, licita tamen, & honesta, sacrisque Canonibus, & Concilio Trid. minime contraria, auctoritate Apostolica tenore praesentium perpetuo approbamus, & confirmamus, illisque omnibus, & singulis, Apostolica firmitatis robur adjicimus, suppletentes omnes, & singulos, ac quoscumque, & qualescumque juris, & facti, ac etiam solemnitatum, & alios quantumvis substantiales, etiam de necessitate exprimens defectus, siqui in eis, aut eorum aliquo quomodolibet intervenerint.

§. 3. Ac insuper Congregationi, eiusque Praeposito Generali, quod ipse Praepositus, cum voto ejus consiliorum à Capitulo Generali deputatorum, cum quibusvis ejusdem Congregationis professis, defectum natalium patientibus, etiam ad omnes sacros, & presbyteratus ordines suscipiendum, ac in eisdem in altaris ministerio, etiam ministrandum, necnon ad quaecumque ipsius Congregationis administrationem officium, & dignitatem recipiendum, ac retinendum, & exercendum dispensare.

§. 4. Idemque Praepositus Generalis, & Visitatores ejusdem Congregationis toties quoties opus esse judicaverint, Orphanotrophiam, & loca, tam puerorum, quam puellarum, sub cura, regimine, & administratione, ac disciplina dictae Congregationis existentia, absque eo quod desuper à Gubernatoribus, sive Oeconomis, & administratoribus rerum temporalium ipsorum impediantur, sub poena excommunicationis majoris latae sententiae, statim per impedientes ipso facto incurrenda, si post monitionem ab Episcopo faciendam ab hujusmodi impedimentis non desisterint, à qua non nisi à Sede praedicta, sine praedictis iurium Episcoporum visitare, & quae reformanda habuerint circa disciplinam eorumdem puerorum, & puellarum, ac regimen spirituale, reformare libere, & licite valeant, auctoritate, & tenore praedictis licentiam, & facultatem concedimus, & impartimur.

§. 5. Ut autem Congregatio ipsa, ac sub ejus instituto militantes personae Orphanis, & Seminariis puerorum liberius, & melius inservire, & quae sui instituti sunt, adimplere possit, ipsaque disciplina Regularis, in Domibus, Collegiis, & locis illius magis vigeat, eandem Congregationem, singulaque illius Collegia, & loca, ac eorum superiores, & alios, ab omni onere audiendi confessiones ordinarias, quarumcumque Mortalium non Orphanarum, & alius munitis Congregationis opera impediuntibus.

Praepositoque d. Congregationis dat auctoritate, eam suis Religiosis dispensandi &c.

Et loca omnia visitandi, & reformandi.

Exemptione etiam elargitur eidem Congregationi a confessione ordinaria Mortalium non Orphanarum, & alius munitis Congregationis opera impediuntibus.

curam, nisi de consensu duarum ex tribus partibus Capituli generalis, suscipere audeat, neque possit.

§. 6. Postremo omnes professiones emissas usque in praesentem diem a quibusvis Clericis, & Laicis dictae Congregationis, etiam si non in manibus Praepositi generalis, aut ejus Vicarii, sed aliorum Presbyterorum inibi professorum factae sint, neque constet, illos eo tempore auctoritatem tales professiones accipiendi habuisse, validas, firmasque, & ratas esse, & fore: perinde ac si a Praeposito generali, vel ejus Vicario praedicto receptae essent, dummodo tamen alias canonice factae fuissent, & tales professi professioni hujusmodi hodie acquiescant.

§. 7. Licereque in posterum Praeposito generali praedicto hujusmodi facultatem admittendi ad professionem, cuilibet Praeposito, vel Rectori inferiori ejusdem Congregationis demandare, servata in reliquis forma Constitutionis ejusdem Sixti Praedecessoris desuper edita.

§. 8. Praesentes quoque literas nullo unquam tempore de subreptionis, vel obreptionis, seu nullitatis vitio, aut intentionis nostrae, vel quocumque alio defectu notari, impugnari, seu quomodolibet infringi, vel in jus, aut controversiam vocari, aut etiam adversus eas, quocumque juris, gratiae, vel facti remedium impetrari, seu etiam Motu proprio concedi posse. Neque sub quibusvis similibus, vel dissimilibus gratiarum revocationibus, limitationibus, suspensionibus, derogationibus, aut aliis contrariis dispositionibus pro tempore emanatis comprehendit, sed semper, & omni tempore, ac omnino ab illis excipi, & quoties emanabunt, toties in pristinum, & validissimum statum suum restitutas, repositas, & plenarie reintegratas, ac de novo etiam sub quacumque posteriori data per Generalem, & alios Praepositos praefatos pro tempore eligent, concessas, illasque perpetuo validas, & efficaces esse, & ceteri, plenamque roboris firmitatem obtinere. Neque Congregationem, ac Praepositum generalem, & alios Superiores, ac personas illius super eisdem praemissis, illorumque possessione, usu, & commodo pacificis per locorum Ordinarios, aut quoscumque alios quomodolibet molestari, perturbari, seu inquietari, vel impediri posse.

§. 9. Sicque, & non aliter per quoscumque Judices Ordinarios, & Delegatos, ac etiam Causarum Palatii Apostolici Auditores, & S. R. E. Cardinales, etiam de latere Legatos, Vicelegatos, & alios Ecclesiasticos, ac seculares, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiti debere, necnon quicquid secus super his a quoquam quavis auctoritate scienter, vel ignoranter contigerit attentari, irritum, & inane decernimus.

§. 10. Non obstantibus praemissis, ac dicti Praedecessoris super admittendis Religiosis edita, & quibusvis aliis Apostolicis, necque

Professione omnes in manibus cujuscumque Presbyteri d. Congregationis emissas, validas esse declarat.

Praepositoque dat auctoritate, ut inferioribus committendi receptionem professionis servata in reliquis Bulla Sixti V. Clausula hujus Bullae praeservatas apponit.

Clausula sublata &c. addit.

Clausula derogator. subdit, ac san.

necnon in Provincialibus, & Synodalibus Conciliis editis, specialibus, vel generalibus Constitutionibus, & Ordinationibus, ac etiam juramento, confirmatione Apostolica, vel quavis firmitate alia roboratis statutis, & consuetudinibus, legibus, reformationibus, privilegiis quoque, indultis, & literis Apostolicis quibusvis Superioribus, & personis sub quibuscumque tenoribus, & formis, ac cum quibusvis etiam derogatoriis, aliisque efficacioribus, & insolitis clausulis, ac irritantibus, & aliis decretis, in genere, vel in specie, etiam motu simili, & alias in contrarium quomodolibet, etiam pluries, & iteratis vicibus concessis, approbatis, & innovatis. Quibus omnibus etiam de illis, eorumque totis tenoribus, specialibus, specifica, individua, & expressa, ac de verbo ad verbum, non autem per clausulas generales idem importantes, mentio, aut quavis alia expressio habenda, aut aliqua alia exquisita forma ad hoc servanda foret, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Nulli ergo omnino hominum liceat hanc paginam &c. Datum Romae apud Sanctum Marcum Anno Incarnationis Dominicae millesimo quingentesimo nonagesimo tertio, sexto Kalendas Maii, Pontificatus nostri Anno Secundo.

De P. Ann. II. 26. Aprilis.

LVIII.

Ex Regest. in Decr. Deco.

Confirmatio Concordiae inite inter Ecclesiasticos Provinciae Cathalonae, & Philippum II. Hispaniae Regem super solutione prima Decimae a Romanis Pontificibus eidem Regi concessa.

CLEMENS PAPA VIII.

Ad futuram rei memoriam.

Exordium.

Pro nostro munere in his partes nostras libenter interponimus, quae ad concordiam, & pacem inter Catholicos Reges, & Ecclesiasticas personas super exactioibus Apostolica auctoritate faciendis, pertinere dignoscuntur.

Capitula Ecclesiarum Cathalonae primas Decimas non sine gravi incommodo exequi posse exponunt eo modo, quo fuerunt constituta.

§.1. Nuper siquidem charissimus in Christo filius noster Philippus Hispaniarum Rex Catholicus, ac dilecti filii singula Tarraconen., Gerunden., Barchinonen., Urgellen., Illerden., Elnen., Vicen., Dertusen. Ecclesiarum Capitula Nobis exponi fecerunt, quod praedicta Capitula, quae cum nominatis in infra scripta Concordia universum Clerum Principatus Cathalonae representant, animadvertentes gratiam primae Decimae cujusque Parochialis Ecclesiae in omnibus Hispaniarum Regnis, & Insulis illi adjacentibus dudum per fel. rec. Pium Papam V. Praedecessorem nostrum ad quinquennium, & postea plures a fel. rec. Gregorio XIII., ac deinde Sixto V., & novissime a similis mem. Gregorio XIV. Praede-

cessore nostro per suas, in forma Brevis literas, sub datum videlicet 23. Jan. 1591. rationabilibus de causis ad aliud quinquennium prorogata, prout in singulis Praedecessorum eorumdem desuper in forma Brevis expeditis literis continetur, si eisdem modo, & forma, quibus concessa est, executioni demandaretur, id non sine ejusdem Cleri incommodo, exequi posset; cupientesque praemissis ea, qua potest, ratione occurrere, quo facilius ad illa, quae tenentur, ab ipsis adimpleri valeant, ipsaque persona Ecclesiasticae onus illis, eam ob causam incumbens, supportare possint, ad infra scriptam Concordiam, quae in Instrumento desuper confecto, cuius tenorem praesentibus inferi, & inferius adscribi, & annotari fecimus, latius continetur, insimul devenerunt, Nobisque humiliter supplicari fecerunt, ut concordiam huiusmodi approbare, & confirmare, auctoritatibusque nostrae robore communitate, de benignitate Apostolica dignaremur.

§.2. Nos, qui honestis fidelium votis libenter annuimus, eaque favoribus prosequimur opportunis, eundem Philippum Regem, & singulares personas huiusmodi a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, nec non concordiae, & Instrumenti praefatorum veriores tenores, praesentibus pro expressis habentes, huiusmodi supplicationibus inclinati, concordiam huiusmodi, & desuper confectum Instrumentum, & prout illa concernunt, omnia, & singula, quae in dicto Instrumento, inferius adscripto, continentur, & inde sequuta quaecumque, etiam ad exactioem pecuniarum in eadem concordia contentarum, etiam ante huiusmodi nostram confirmationem in totum, vel in partem sit processum, Apostolica auctoritate, tenore praesentium, approbamus, & confirmamus, illisque perpetuae, & invariabilis firmitatis robur adjicimus, suppletes omnes, & singulos tam juris, quam facti defectus, si qui forsitan intervenerint in eisdem, eaque, ac tam quoad personas, quae in dicta concordia intervenerunt, & illi consenserunt, quam quoad alias personas, quae nullo modo praedictis concordiae, & distributioni interfuerunt, nec illis consenserunt, etiam si Sanctae Romanae Ecclesiae Cardinales fuerint, Ecclesias, & alia beneficia possidentes, valida, & efficacia esse, & per omnes invariabiliter observari debere, ipsosque ad illarum omnium observationem, & solutionem, omnibus viis, ac juris, & facti remediis cogi, & compelli posse, & debere, absolventes, etiam si opus sit, tam ipsum Philippum Regem, quam quoscumque ejus Ministros, nec non quoscumque ecclesiasticas, tam seculares, quam regulares personas a quibusvis censuris, & poenis, si quas pro-

Quare intam inier se concordiam confirmari pe- tent.

Eam ratam habet Clemens.

Et ab his etis qui sum con- sensum non praestiterunt, servari man- dat.

Omnique, & singulos defec- tus supplet.

Sicque a quo- libet Tribuna- li judicari de- ceat.

Executores deputat.

Obstantia tol- lit.

propter praemissa quomodolibet incurrint, etiam si in irregularitatem aliquam inciderint, ac missas, & alia divina officia interrim, non tamen in contemptum clavium celebraverint, dispensamus, nec propterea fructus Ecclesiarum, & Beneficiorum obtentorum suos non fecisse, dici, aut cense- ri posse declaramus, ac ab eis omnem inhabilitatis maculam, sive notam, si quam propter praemissa quomodolibet incurrint, abolemus, ac eos in pristinum, eumque, in quo ante praemissa quomodolibet erant, statum restituis, reponimus, & plenarie reintegratos per praesentes nuntiamus.

§.3. Sicque per quoscumque Judices, & Commissarios quavis auctoritate fungentes, etiam Causarum Palatii Apostolici Auditores, & S. R. E. Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & definiti debere, & quid quid fecerit super his a quoquam, quavis auctoritate scienter, vel ignoranter contigerit attentari, irritum, & inane decernimus.

§.4. Et nihilominus dilectis filiis nostro, & Apostolicae Sedis apud dictum Philippum Regem nunc, & pro tempore existenti Nuncio, ac Francisco de Avila Archidiacono Toletan., & Consiliario Sanctissimae Inquisitionis Regnorum Hispaniarum, dictae primae decimae Exequutoribus etiam jam deputatis committimus, & mandamus, quatenus ipsi, vel eorum alter per se, vel alium, seu alios praesentes literas, & in eis contenta quaecumque, ubi, & quando opus fuerit, & quoties pro parte dicti Philippi Regis, & singularum praefatarum personarum fuerint requisiti, ad executionem eorum omnium, quae in dicta concordia continentur, procedant, & per eos, ad quos spectat, eadem observari curent, & faciant, nec non eisdem Nuncio, & Francisco injungimus, quod ubi, & quoties super repartitione, ac aliis in dicta concordia contentis, aliquas differentias exortas fuisse compererint, illas absque retardatione solutionis, juxta repartitionem jam factam, & faciendam, iudicio eorum aequabili componant compositione, & terminent, justitiam partibus ministrando: Nos enim eisdem, tam praemissa peragendi, quam quidquid super praemissis statuerint, omni, & quacumque appellatione remota executioni debita demandant, nec non contraditores quoslibet, & rebelles per opportuna juris, & facti remedia, ac demum per sententias, censuras, & poenas ecclesiasticas, appellatione postposita compescendi, legitimisque super his habendis servatis processibus, sententias, censuras, & poenas ipsas, etiam iteratis vicibus aggravandi, auxiliumque brachii secularis invocandi plenam, & liberam facultatem concedimus.

§.5. Non obstantibus Bonifacii Papae VIII. Praedecessoris nostri de una, & Concilii generalis de duabus dietis, & aliis Constitutionibus, & Ordinationibus Apo-

stolicis, nec non quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, nec non legibus etiam municipalibus, privilegiis quoque, indultis, & literis Apostolicis sub quibuscumque tenoribus, & formis, & cum quibusvis etiam derogatoriis derogatoriis, ac aliis efficacioribus, & insolitis clausulis, irritantibusque, & aliis decretis in genere, vel in specie, etiam motu proprio, & de Apostolica potestatis plenitudine, & alias quomodolibet, etiam iteratis vicibus concessis, approbatis, & innovatis. Quibus omnibus, & singulis, etiam si de illis, ac totis eorum tenoribus specialibus, specifica, & expressa mentio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum infererentur, praesentibus pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque, nec non omnibus illis, quae in dicta concessione primae decimae, ac concordia huiusmodi expressum est non obtare.

§.6. Seu si aliquibus communitate, vel divisa ab eadem sit Sede Indultum, quod interdicti, suspendi, vel excommunicari non possint, per Literas Apostolicas non facientes plenam, & expressam, ac de verbo ad verbum de indulto huiusmodi mentionem.

§.7. Ceterum eos S. R. E. Cardinales tantum, quibus pensiones annuae super fructibus Ecclesiarum Cathedralium, & Metropolitanarum, & aliorum ecclesiasticorum beneficiorum reservatae, seu ipsi fructus, vel eorum pars loco pensionum reservati reperiantur, a praemissa contributione, quoad ipsas pensiones, & reservationes fructuum, volumus esse exemptos.

§.8. Quodque praesentium transumptis etiam impressis, manu alicujus Notarii publici subscriptis, & sigillo persona in dignitate ecclesiastica constituta munitis eadem prorsus fides in iudicio, & extra adhibeatur, quae ipsis originalibus adhiberetur, si forent exhibitae, vel ostensa.

Tenor vero Instrumenti huiusmodi sequitur, & est talis, videlicet.

In Dei Nomine Amen.

Overint universi, quod Nos Joannes Teres, misericordiae divina, Sanctae Tarraconen. Ecclesiae Archiepiscopus, Petrus Jaime Dei, & Apostolicae Sedis gratia Episcopus Vicen., Frater Andreas Capilla, ejusdem Sedis gratia Urgellen. Episcopus, Gaspar Punter, eadem gratia, Dertuzen. Episcopus, Don Michael Aymerich Abbas Monasterii B. Mariae de Lavaix, Frater Petrus Fontanella Abbas Monasterii B. Mariae pulchri Podii Avellanarum, Ordinis Praemostren., Frater Don Petrus Aquilo Prior Monasterii Scalae Dei, Ordinis Carthusien., Michael Torell Rector Ecclesiae Parochialis S. Baudilii de Lupruato, Dicesis

Cardinales etiam a solutione primae Decimae.

Transumptis fidem addit.

Tenor Concordiae.

K k k